

山右石刻叢編

山右石刻叢編卷三十一

賜進士出身梁公神道碑銘并序

元

梁瑛碑

碑連額高七尺二寸廣二尺五寸六分二十七行行六十二字正書額題故征行都元帥五路萬戶梁公神道碑銘
十六字篆書今在平遙縣梁官村

故征行都元帥五路萬戶梁公神道碑銘

嘉議大夫御史中丞行御史臺事魏初撰

集賢侍讀學士奉議大夫李倬書丹

中奉大夫中書省叅知政事杜思敬篆額

少中大夫西蜀四川道肅政廉訪使男梁天翔立石

梁嬴姓非子之後秦仲有功於周平王封其少子唐於夏陽

梁山是為梁伯其子孫以國為氏如梁④梁益耳梁嬰父皆為晉大夫汾晉地平遙其屬縣也公之先家於平遙者其世蓋久然自公始大著祖諱頴父諱秉鈞好施與鄉人以長者稱之娶郝氏生七子公其第三子也公諱瑛少有大志勇力絕人善騎射金季中原受兵所在郡邑望風奔潰戊寅

聖元太師國王領兵南下公曰天也死填溝壑何益乃率眾詣軍門上謁即授元帥左監軍使撫定居民攻諸城堡之未下者公屢出奇計招誘降附凡百餘所明年從國王掠霍陪沁徑太行大勝懷孟又明年入闕秦隴悉定用是錫虎符升征行都元帥以縣行平安州事俾公領之兵火之餘戶口蕩析公安集有法人始有息肩者戊子四月武仙陷平陽太原州介於其閒卒莫敢犯國王檄公進兵仙□□□城

走已丑入

覲適改定天下官制特授公金符

御前千戶明年扈從南征至鳳翔俾西徇宋地西和興元十數城俱下壬辰天兵次唐鄧公前口鋒與金兵戰於鈞之三峯山大破之河南震恐時降附軍民日眾他將以糧不給欲盡殺之公曰殺降不祥凡隸麾下者悉得不死其父子兄弟離析而復合者俾籍於民幾三千餘人乙未從元帥塔海甘不入蜀宋人守瞿塘眾不克進公作皮渾航以濟塔奇之奏口征行萬戶留鎮興元戊戌又從塔公圍資州踰月始下塔怒欲悉坑之公曰今始得一城而坑之他城未易下也塔善其說公喜曰吾起身鞍馬閒不啻百數十戰未嘗敗北所全活者亦不下數萬計壬寅宋人陷成都公與先鋒禿薛擒其

四川制置陳隆之成都平丁未公年五十有七告老不允
詔公充西京平陽太原京兆延安五路萬戶治太原以子翼
襲行軍千戶公以太原甫定民多離散懇聞于

朝給復三年於是四方來歸者三萬餘戶刑簡令信境內以
⑤丙辰三月十九日卒於居地之正寢享年六十有六越五
月葬于本邑麓臺里先塋之次禮也夫人溫氏子男四人曰
羽太原路管軍千戶曰天翔少中大夫西蜀四川道肅政廉
訪使曰珙早卒長即翼也遷成都轉運使女四人平遙李思
齊忻州長官塔察京兆路兵馬總管馬祐太原路鎮撫都彈
壓李燦其壻也孫男一十人偉宣武將軍行軍總管儀備傑
秦王府侍衛備太原路管軍千戶佐時中時正鵬水縣主簿
時仁時義俱有立志女一十人七適大族三在室曾孫男一

十四人長思賢次思敬行軍千戶餘幼女一十五人天翔與
初有一日之雅謂碑銘未刻請文其實乃按所具狀序而銘
之銘曰

天地草昧開氣鍾 豪傑乘幾騰其中 漢唐之初如囊
鋒 聖元乃有平遙公 公之譜系羸本宗 世稱善人
服於農 風之從虎雲之龍 千載一時公實逢 萬夫
肝膽誰爭雄 批秦扶晉天為紅 望之而畏鼎與熊
□□休休如有容 救降釋俘□□□ 井氓至今猶呼
翁 天之報施亦已豐 若子若孫咸登庸 麓臺之原
汾之東 龜螭有文圖有松 千秋萬祀何終窮
從仕郎冀[○]路保德州判官曾長孫男梁之才

承事郎秦州成紀縣尹兼管本縣諸軍與魯勸農事次孫

男梁時義

忠顯校尉簽浙東海右道肅政廉訪司事次孫男梁時仁
承事郎大名路清河縣尹兼管本縣諸軍與魯勸農事次
孫男梁時正

延祐元年重九日朝列大夫信州路總管府治中長孫男
梁時中等建

本縣□□□仲安刊

按碑題嘉議大夫御史中丞魏初撰集賢侍讀學士李偁
書丹中奉大夫中書省參知政事杜思敬篆額少中大夫
西蜀四川道肅政廉訪使男梁天翔立石元史魏初傳出
僉陝西四川按察司事入爲治書侍御史又行御史臺事
於揚州徵拜侍御史行臺移建康出爲中丞卒碑題中丞

者蓋舉其終官也元史類編李倬字士宏號員嶠真逸河東人官集賢學士元史杜思敬傳初任御史臺都事除戶部侍郎歷左右司郎中出籤陝西中書省事入爲侍御史拜中書參知政事進四川行省左丞不赴致仕卒諡文定按元史本紀大德十年正月甲午四川行省左丞杜思敬參知政事碑立延祐元年在思敬參知後元李元道西蜀四川道肅政廉訪使梁公碑公諱天翔至元二十六年雲南行御史臺授朝列大夫侍御史公下車白切政體二十餘條世祖皇帝深所嘉納授吏部侍郎會高麗饑往賑還奏對稱旨授少中大夫成都路總管未幾改西蜀四川道肅政廉訪使命下疾革至元癸巳七月四日卒按至元癸巳卽至元三十年所題階與官皆合李碑但李碑云天翔至元

癸巳卒此碑立延祐在天翔卒後十八年系後人追書碑
云祖顏父秉鈞公第三子諱瑛金季中原受兵所在郡邑
望風奔潰戊寅元朝太師國王領兵南下公率眾詣軍門
上謁即授元帥左監軍元史穆呼哩傳丁丑八月詔封太
師國王都行省承制行事戊寅自西京由太和嶺入河東
攻太原忻州澤潞汾霍等州悉降之瑛之降元即是在是年
碑云明年從國王掠霍路沁徑大行大勝懷孟元張藻梁公蔡碑已
郭之秋按察郭延總軍與公南向征伐由過牛氣樓二嶺
遂下平陽霍州晉安沁潞等數十餘城又攻太行使其出
不得固險羣帥馳入又下懷孟等十餘城皆可與此碑相
參證按察郭延即特辟釋子按陳丁亥賜號國舅按陳諸
延者也王辰賜又明年入關秦隴悉定錫虎符升征行都
銀印封河南王元帥以縣行平安州事俾公領之戊子四月武仙陷平陽
太原元史李守忠傳丁亥夏四月金赫舍哩真襲平陽

行營招討使權國王按札爾於洪洞守忠出援之會於高
梁師潰入城平陽遂陷金人執守忠至汴炙死李冶聶元
帥碑丁亥夏五月太原繼陷元史哈喇拔都傳丁亥夏五
月姦人夜獻太原東門於武仙此皆平陽太原陷之證第
史與碑皆言丁亥四五月平陽太原陷而此碑云戊子疑
碑誤碑云州介於其間卒莫敢犯國王檄公進兵仙兵大
敗卽棄城走按穆呼哩以癸未三月卒博囉穆呼哩子以戊子
五月卒史碑皆稱國王按札爾傳己卯河中府降兵北還
以按扎爾統所部兵屯平陽攝國王事癸未春穆呼哩卒
詔以子博囉襲爵時平陽重地令按扎爾居守此碑所言
國王者卽按扎爾碑云己丑入覲授公金符御前千戶明
年扈從南征校金正大七年蒙古主自將伐金十月圍壘

趨鳳翔正大八年四月取鳳翔八月蒙古主入大散關攻
破鳳州屠洋州遂圍興元卽碑所云西徇宋地西和興元
十數城俱下事碑又云壬辰天兵次唐鄧公與金兵戰於
釣之三峯山大破之金史本紀正大八年十一月大元進
兵饒風關由金州而東十二月戊辰大元兵渡漢江而北
天興元年春正月大元兵道唐州丁酉大元兵及兩省軍
戰釣州之三峯山兩省軍大潰按自鳳翔入散關出饒風
戰釣州皆蒙古皇子圖墨之師瑛與於是役者碑云乙未
從元帥塔海甘不入蜀續通鑑端平二年乙未十二月蒙
古庫端入沔州三年十月曹友聞扼仙人關制置使趙彥
呐檄友聞控制大安蒙古八都魯達海帥步騎萬餘人往
來搏戰卽碑所云塔海者元史鄭鼎傳甲午從達海甘布

征蜀元文類興元行省夾谷公碑乙未從塔海紺卜征蜀
與此碑年合又按續通鑑友聞戰於大安軍陽平關死之
蒙古遂長驅入蜀十月蒙古安篤爾與庫端合兵入成都
旋棄而去卽碑所云入蜀事碑云宋人守瞿塘眾不克進
公作皮渾航以濟塔奇之奏興征行萬戶留鎮興元按元
兵是時入興元沔州由南山小徑出開達遂抵夔州宋人
扼瞿塘復渡江夾擊之而上流渝合諸州猶爲宋守未能
留駐故仍同興元也梁評事碑丁酉歲開達梁山忠萬等
州遠際瞿唐所向無前乃提士卒數
歌而還可與碑又云壬寅宋人陷成都公與先鋒禿辭擒
此碑相參證其四川制置陳隆之卽續通鑑淳祐元年十一月蒙古塔
爾海部汪世顯復入蜀進圍成都制置使陳隆之見殺事
續通鑑在辛丑梁評事碑亦云辛丑此云壬寅者指宋復

山石志卷之三十一
成都年碑云丁未詔公充西京平陽太原京兆延安五路
萬戶校元史郝和尙傳庚子拜宣德西京太原平陽延安
五路萬戶此有京兆無宣德餘同元初五路萬戶當南北
朝唐方鎮之職權至重元史不爲瑛傳疏矣碑又云子翼
襲行軍千戶以丙辰三月十九日卒卽憲宗六年年六十
有六葬本邑麓臺里夫人溫氏子四人羽太原路管軍千
戶天翔少中大夫西蜀四川道肅政廉訪使珣早卒長卽
翼遷成都轉運使女四人平遙李思齊忻州長官塔察京
兆路兵馬總管馬祐太原路鎮撫都彈壓李燦皆公瑁孫
男十一人偉宣武將軍行軍總管儀偶傑秦王府侍衛備
太原路管軍千戶佐時中時正鴨水縣主簿時仁時義女
一十八七適大族三在室校時中天翔長子時正天翔次

子時仁天翔三子時義天翔四子均見縣志曾孫男一十
四人長思賢次思敬行軍千戶餘幼女一十五人子嗣之
蕃可謂極盛矣碑謂天翔與初有素識故應其請而爲銘
末題從仕郎冀甯路保德州判官曾長孫男梁之才承事
郎秦州成紀縣尹兼管本縣諸軍與魯勸農事次孫男梁
時義忠顯校尉簽浙東海右道肅政廉訪司事次孫男梁
時仁承事郎大名路清河縣尹兼管本縣諸軍與魯勸農
事次孫男梁時正朝列大夫信州路總管府治中長孫男
梁時中等建又校之才爲公會孫亦見縣志官與碑題銜
合校元初升平遙爲平安州元史地理志闕可据碑補碑
見通志金石記

樊氏先塋記

碑高三尺五寸七分廣一尺八寸二分二
十六行行五十九字正書今在臨晉縣

樊氏先塋之記

將仕郎國子博士姚登孫篆

翰林修撰登仕郎同知 制誥兼 □□院編修官陳觀

撰

將仕佐郎國子助教李泰書

樊氏之先蓋出於周之苗裔自文王子仲虞支孫為周卿士
食采□□故因邑以命氏穆仲仲皮及濟皆其後也漢宏儵
兄弟悉以文行著梁護威將軍□左衛將軍猛皆以武力大
隨武威大守子蓋司農卿叔略並以善政聞唐檢校右僕射
贈司空澤以賢良方正顯司空子宗師字紹述聞望尤表著
嘗為絳州刺史昌黎韓文公為志其墓述其文章風節甚詳

自刺史父子居河中後之子□散居支縣然歲□譜志族系
莫究居臨晉之董村者又不知其幾世也近代有曰樊二員
外者金季以貲名舉家千□樂振施修德好禮鄉黨稱為善
人娶張氏生子曰德□□泰和末年甫三十遭壬辰之亂保
族完家不離鄉土人以為難噫積善儲祥此非効歟享年七
十有七至元十四年十二月二十一日以疾卒於鄉娶衛氏
壽至五十五卒於丙辰八月二十有五也生三子一男諱
玉二女長適任政次適雷顯玉性剛毅儀觀甚偉冬一裘夏
一葛至數歲不易而修潔清楚皎□不受毫髮垢汚之雜蓋
天性如此非矯飾為也治家有法整整致嚴子孫朝夕覲省
必加禮敬雖大暑不冠不見凡所訓誨□忠信之言不道輕
財重義務□弱摧強閭里皆宗敬之喜賓客每名士大夫過

門必擊鮮為數日留劇談歡飲連晝夜喜不倦而樂不厭由
是人多推□焉嘗被漕司檄主巡解池鹽禁□至以廉謹稱
其勤敏幹濟又他人所不能及也不幸於至元二十六年四
月二十四日遺疾歿於私第之正寢春秋六十三娶張氏平
陸大族婦道母儀咸盡於禮至大元年四月二十四日卒壽
至八十一生子男三人曰瑞曰珪曰璧二女長適高昱次適
王德瑞有□行□平臧否不出諸口至大二年實生六十二
歲矣於是年冬十月二十日以寢疾終于家配里眷惠氏生
二男曰思明思問璧機警過人年四十三以寒疾不起卒在
元貞二年二月十九日妻趙姓解梁人至大四年十一月二
十四日亦病卒年五十四生二男曰思恭思難珪字仲璋妻
同邑趙氏歿於至大二年七月初一日年五十八生四子口

思聰思溫思忠思敬仲璋資略明敏幼嗜讀書忘晝夜寒暑
少長卓然能自樹立眾謂樊氏有子矣事親至孝先是受
安西王命為吉州路人匠提舉比□父已卒旦夕思慕悲號
不已自是不復有仕進意乃營葺貲產治居宅增田疇□隸
僮僕悉有條序故上下能相親外內爭為之戮力無少告勞
兄弟共財庭無間言友愛之情白首不衰奉母張夫人克盡
其道夫人晚年得目疾百療不効仲璋晝則以舌津潤舐夜
則露香默禱祈以身代一旦醫退復明視物瞭然如初
朝廷聞而異之遂表門以旌其孝感焉大德七年瑞珪等□
克大葬祖考于董村西原先塋之兆次塋用九月十六日從
□命也延祐元年夏五

宣授珪忠翊校尉管領崇慶等處怯忒口民匠長官遂遣其

子思溫不遠二千餘里抵京師再拜致書求文於太史氏陳
觀□記其本末予以迫於里閭之情友義之薦使不得以不
敏辭因取文學掾張敬承善□一篇又撫平昔聞見之實而
次第其事夫立身行道孝之始也顯親揚名孝之終也終始
不亏為子之道足矣矧又喪葬祭祀之禮尤子孫所當慎重
者也或者昧於追遠而徂於習俗亟亟然惟自奉若不及視
祖宗諱壠血□則蔑如也由此較之其世存與亡相去間不
能以髮若樊氏昱仲可謂知所本而得奉先之道矣是可尚
也乃叙而書之俾刻石墓側使後之人有以考德焉仲璋嘗
從余 先君子肅齋先生游又其子思聰思溫幼問學於余
故知□世次為尤詳云

延祐二年正月元日

宣授忠翊校尉管領崇慶等處怯憐口匠長官樊珪立石

古桐張忠刊

按碑爲翰林修撰陳觀撰國子博士姚登孫篆國子助教李泰書元史王約傳皇慶改元拜集賢大學士薦國子博士姚登孫官與碑合登孫又見元文類校碑所言樊氏之先如樊宏等則詳後漢書本傳樊猛詳陳書本傳樊子蓋詳隋書本傳樊澤詳唐書本傳韓昌黎集有樊宗師墓志其曰遭壬辰之亂者按壬辰金天興元年金史本紀天興元年正月丙戌元兵定河中又元史太宗本紀三年十月乙酉帝圍河中十二月己未拔之又三年二月攻洛陽河中諸城下之其次年卽金天興元年以碑文壬辰之亂句考之元取金臨晉

在天興元年瑩記樊二員外之子曰德生一男玉碑言營被擄司

徵主巡解池鹽禁漕司即百官志中統二年玉生三子瑞

所置轉運司後之河東陝西都轉鹽運司珪瑩珪幼嗜讀書先受安西王命為吉州路人匠提舉母

張晚年得目疾百療不效珪晝則以舌津潤紙夜則默禱

祈以身代一旦復明朝廷表門以旌大德七年葬祖考於

董村西原先塋之次遣子求觀為記按安西王元史世祖

紀至元九年十月丙戌封皇子莽噶拉木為安西王賜京

兆為分地碑言珪受王命為吉州路人匠提舉比父卒旦

夕思慕不復有仕進意以碑珪父玉至元二十六年卒考

之元史世祖本紀十七年六月辛丑安西王薨諸王表阿

南達至元十七年襲封安西王大德十一年誅珪受安西

王命在至元二十六年前當為阿南達時元文類姚燧延

蘆寺碑至元九年詔立皇子爲安西王裁七年而棄其國
明年詔遣今王嗣國之四年當十九年益封安西吉州此
吉州爲安西分地之證臨晉縣志樊珪元大都提舉母思
之喪明珪聞路曰不予何官告歸烝母日七日明可與碑
相互證

碑下言珪
告歸爲異

靈源公廟碑

碑高三尺一寸二分廣一尺九寸六分三
十行行四十六字正書今在平定州嘉山

大元平定州重修靈源公廟碑記

應奉翰林文字承事郎同知制誥兼國史院編修官韓粹
中撰

將仕郎太常禮儀院西郊太祝聶曾書

周威烈王初命晉大夫魏斯趙籍韓虔爲諸侯先是時三家

臧智伯剖分晉國或傳公即晉族也憤宗社之亡沒于□□
□公□死之日精氣餘溢鬱而弗散冥通異感不隨死而亡
遂神化于廣陽之嘉山故傳曰深山大澤必生龍蛇名山大
川神其主之若夫雲煙夕暝風雨晝晦恍惚之際煮蒿懷槍
如或見之是以民知畏而敬之也因立祠歲時而祭焉然未
知起自何代由秦漢以來迄於唐不載之方冊者史或失之
至周世宗時宋仁宗朝及顯德永和之間皆封侯爵宣和中
用太守張頴之請加封

靈源公公之行祠之碑已紀其本末矣今據其實而書之公
以忠直純一之德禦災捍患澤被群生雨暘調而民不飢
疢消而民不折神之祐民也民之祀神也禱應昭荅理固宜
然公之廟額歷歲茲久丹青剝落猛雨斜風漬漸摧毀大德

甲辰夏四月己丑奉直大夫楊公來知是州治政之暇偶至
祠下遲迴瞻顧嗟惜久之慨然有修復之志詢于廉訪叅使
攝侯洎鄉長王嗣等眾諾一辭若合符節即日鳩工慮材四
旁之民聞者莫不奔走而助其役曾未半葺殿宇靖深儀門
宏敞山廳覽秀藻贊分流砌石橋以便往來修井亭而復靈
跡運金輦碧咸與一新仍過於未嘗之毀者延祐紀元冬十
月浹辰州人苗思讓蕭玉孫旺輩屬辭于予曰廟例有碑碑
須有文而此獨無之使成功者沒而無聞是為缺典再辭而
來愈勤予應之曰未敢著之空文且為載之行事也何可無
辭以銘之銘曰

神監之明秋月之盈神斷之清涇水之平惟清與明物無
逃形究善析惡若執權衡介爾景福格爾天刑神之歆之

靡愛斯牲民之祀之必薦吾誠故曰 上天之載無臭無聲

延祐二年歲次乙卯己卯月己卯朔乙未日

克擇人董文彥

司吏王恭 郭鼎 王興桓 蘇恭 胡廣 吳弼

吏目王季昉

忠翊校尉平定州判官耿元祚

承務郎同知平定州事哈剌哈孫

奉議大夫平定州知州兼管諸軍奧魯勸農事王傑

忠顯校尉平定州達魯花赤兼管諸軍奧魯勸農事拜顏

朝列大夫將作院判聶翹

下有匠作等名不錄

按碑題應奉翰林文字承事郎同知制誥兼國史院編修

官韓粹中撰將仕郎太常禮儀院西郊太祝聶曾書曾見
平定州志官與碑同碑言靈源廟潰漸摧毀大德甲辰四
月己丑奉直大夫楊公來知是州云云大德十年閏月有
平定知州楊公開水利碑當卽其人州志職官元知州楊
公失名碑又云詢於廉訪簽使聶侯平定州志聶輝珪孫
大器子仁宗朝擢廣東肅政廉訪簽事與碑合志無爲廉訪簽事年
月以碑大德八年楊公來知州考之碑末所題官有忠翊則當在大德末成宗非仁宗志或誤
校尉平定州判官耿元祚承務郎同知平定州事哈刺哈
孫奉議大夫平定州知州王傑忠顯校尉平定州達魯花
赤拜顏朝列大夫將作院判聶輝枝元祚傑拜顏並見州
志聞喜縣志元縣尹王傑澤州人字伯英後升平定州知
州校傑以延祐間尹聞喜見延祐七年聞喜補修宣聖廟

碑州志聶輝自廣東肅政廉訪僉事入爲將作院同知以此碑考之則以延祐二年爲將作院判至正二年呂思誠崔府君廟碑輝結銜爲江西行省參知政事碑見通志金石記

加封大成碑陰頌

碑高三尺三寸廣一尺八寸二分十九行行二十八字正書今在夏縣文廟

皇元加封大成 聖文宣王碑陰頌

奉議大夫同知將作院事鄧鉞撰頌

上都路醫學教授張居中書碑陽

後進田居敬書

麒麟格而素王生鳳鳥至而河圖出帝出乎震堯執厥中文王既沒文不在茲乎三皇春也聖人繫周易而天地乾坤定

五帝夏也聖人定書而日月星辰紀三王秋也聖人刪詩而人倫政教明五伯冬也聖人作春秋而亂臣賊子懼嗚呼吾夫子聖人也頌曰

天何言哉 四時行焉 地順承天 百物生焉 三綱五常 道德立焉 垂統生民 萬代師焉 天地用誠 日月用明 大化運行 無所成名 一以貫之 集乎大成

延祐二年四月口日立石

忠翊校尉晉寧路夏縣前達魯花赤兼管本縣諸軍奧魯勸農事伯顏帖木兒

忠翊校尉晉寧路夏縣前達魯花赤兼管本縣諸軍奧魯勸農事也先不花

承事郎晉寧路夏縣尹兼管本縣諸軍奧魯勸農事何汝
搬并題額

將仕郎晉寧路夏縣主簿皇甫祐

進義副尉晉寧路夏縣尉馮松年

典史梁載

司吏張理 岳道遠 張紹祖 相里忠 劉天禎 吳

國英 王思聰

儒學教諭張元泰 王國英 郭世榮 直學吳恕

稅務司提領趙璧 大使李杞 副使李帖哥不花

助石社長上王薛溫

大辛李世英刊

按夏縣志文廟內兩階有二碑西碑刻加封孔子制詞此

卽其碑陰元史大德十一年秋七月辛巳加封至聖文宣王爲大成至聖文宣王頌爲同知將作院事鄧錡撰碑陽爲上都路醫學教授張居中書頌爲田居敬書碑末所列夏縣前達魯花赤伯顏帖木兒達魯花赤也先不花縣尹何汝楫主簿皇甫祐縣尉馮松年典史梁載皆可補志乘之闕碑末有稅務司提領趙璧大使李杞副使李帖哥不花元史百官志諸路總管府有稅務提領一員大使一員副使一員又儒學教諭張元泰王國英郭世榮皆宜据碑補志碑立延祐二年碑見通志金石記

姚氏先塋記

碑高四尺三寸五分廣二尺八寸八分二
十三行行三十四字正書今在定襄縣

姚氏先塋之記

進士王并撰

集賢大學士資德大夫趙孟頫篆額

太中大夫司天太監李孝先書丹

姚氏世至葬□窆者凡二塋一居邑□一居橫山金承安閒
□□天翼表注祖諱在琳府君之墓田曾祖諱_字祖諱□應
四子亨義棟生亨子在□在□□元在元學浮屠法義子景
先進士起年後贈□大夫妻二李氏皆吳興郡太君棟之子
即在琳也年八十有六以覃官□義全子在舉在琳四子儀
玘珪璣此其大略□□生諱榮府君字顯之通經史閑吏事
□□偶倘不□小□鄉有貧不能喪者為棺槨呂周其急

國初

乞□大□郡王總兵南下君與□懷速同降王□賜之矢俾

為識以招未集之民九原元帥□立檄君總其幕時軍務搶攘措置有法勞來慰安民受其惠曰老去職同事屢薦起君皆辭不就享年八十有九以丙午年十月二十日卒再娶皆□氏女咸先君卒生三子泰勝□泰勝隱居力田□有力□射□為百夫長歲壬□徙家趨之屬縣三原大德四年□有一月之六日以疾卒年七十有七妻武氏先卒葬縣西北之長孫邨長孫之瑩自君始□娶程氏一子德□娶李氏二子仲祥仲良聞二子庭璋庭琇自德而下之子孫詳載碑□瑋琇昆季呂瑩□非一所患子孫之莫於贅也由諱學府君□下五世天翼之表存□□府君而下將更文之石以示後介宣撫張公以請不敢辭謹据事狀第之如右嗚呼□□□忽□遠□易忽也不忽不忘而慎追□其德厚可知矣姚氏昆

季其庶幾乎即是而擴之則一體口分兄弟之情敢不篤一
氣而析族屬之恩敢不加勉焉孳孳有引無替則懽欣輯睦
善積而慶集者詎可量哉口則不^命來薄夫之目於鄉而鬼
神之誅將不可追也姚氏子孫他日有事於墓所口覽子文
焉能無思恭其職口昌其宗欽

昔大元延祐二年歲次乙卯六月十一日立石

口孫前陝西漢中道提刑按察司奏差庭璋 成都等路
怯怜口民匠總管府經歷庭琇

曾孫恭順 恭仁 恭懿 恭瑞 恭玉 恭讓 大亮

恭慧 元孫克敕

石匠古襄提控薛寬弟薛泰趙子貴馬仲和刊

按碑題進士王并撰集賢大學士資德大夫趙孟頫篆額

司天太監李孝先書丹元史趙孟頫傳仁宗卽位召除集
賢侍講學士中奉大夫延祐元年改翰林侍講學士遷集
賢侍講學士資德大夫三年拜翰林學士承旨榮祿大夫
不言爲集賢大學士碑立延祐二年在未遷承旨榮祿前
階與史合而官不合按資德階高集賢講學卑疑史有誤
碑爲姚庭璋姚庭琇先塋而立其云諱榮府君字顯之者
定襄縣志姚榮字顯之橫山人九原府正總兵賜矢時軍
務搶攘榮勞來安定多受其惠碑云王賜之矢俾爲識以
招未集之民按金史本紀興定元年二月己未元兵徇忻
代元史穆呼哩傳戊寅自西京入河東攻忻代悉降之榮
歸元當在興定元年前碑有郡王字元史嚴實傳乙酉冬
穆呼哩之弟岱遜取彰德明年取濮東平元史太祖紀二

十一年丙戌九日郡王岱遜圍益都卽其人岱孫原作帶
孫九原元帥立檄君總其幕時軍務搶攘措置有法民受
其惠按元以忻州爲九原府有九原元帥見元好問九原
府元帥張安甯墓表王利用周千戶碑亦見元史傳定襄縣志
張安甯南邢村人元初開國授九原府總管大元帥樊天勝牛臺都人九原府元帥榮蓋贊安甯天勝幕事者碑
云榮以老去職丙午年十月二十日卒又定襄縣志姚庭
璋橫山人厯官陝西按察使以碑末題銜考之庭璋乃前
陝西漢中提刑按察司奏差至元二十八年改提刑按察司爲肅政廉訪司庭璋爲提刑
奏差必在未改肅政前碑以姚氏塋非一所故爲記以表之王并以
應宣撫張公之請而撰文庭琇結銜曰成都等路怯忒口
民匠總管府經歷元史欽定本作齊哩克昆總管民匠府
又定襄縣志姚榮墓在東古城外碑立延祐二年元史延

祐二年二月詔遣宣撫使十二道問民疾苦可與碑宣撫

張公相參

梁天翔碑

碑連額高六尺六寸七分廣二尺八寸六分二十九行行六十四字正書額題元故四川廉訪使梁公神道碑十二字篆書今在平遙縣梁官村

元故少中大夫西蜀四川道肅政廉訪使梁公神道碑銘并序

奉政大夫監察御史亳郡李源道撰

集賢學士資德大夫吳興趙孟頫書丹

翰林侍講學士中奉大夫知制誥兼脩國史清河

元明善篆額

公諱天翔字飛卿梁姓世為汾州平遙縣人曾大考顏大考

秉鈞娶却考瑛少磊柯有當世志便騎射以拳勇聞佩金符
御前千戶尋升都元帥五路萬戶娶溫氏生四子公其季
也公生而卓異未冠能樹立讀書通大義弧矢之藝妙絕一
時尤邃 國言家素武弁獨以文階起歲丙辰尹平遙時公
年十有八克自振勵有夙成風每召邑老十餘輩禮以酒食
詢以民事衆老皆曰可而後行會歲旱境內饑問以拯災術
僉言東南縣可兩舍有神曰起山致雨陽弗爽公乃自責不
德一禱而雨是歲大稔民勒石以頌中統五年 制授同知
懷孟路奧魯總管府事至元九年授從仕郎久休縣尹邑晉
南北驛衝藩邸銘繹使輅蜂午迎候供億不擾而集建學劬
農井井有條承 制簡兵編戶以戍南方公第民衆竄甲乙
為伍少老服其公平用部使者薦十三年授承直郎同知

鄆

州州初附兵氣未戢人懷反側群不逞聚而為盜前政不能制公捕得首惡杖殺之餘輝不問於是豪猾畏縮一境帖然而後發廩庾賑單貧恤孤遺撫創罷脩校官葺津梁開陂澤課民力穡野無汙萊州之滯事留獄裁遣一空御史臺才之授僉嶺南廣西道按察司事嶺海瘴鄉人多不懌于行公毅然赴上部按郡邑擿發姦伏以舉職聞還海北廣東道提刑按察副使百姓者宣慰廣海貪墨癘民土豪黎德因之為閹公劾奏乞選望臣以代 朝廷然其請海徽遂中改奉議大夫西蜀四川道提刑按察副使歲荐饑蜀山水四塞糴販路絕公言諸主者當發廩以周饑民僉議 上聞公獨日報下則民殍矣 朝廷見罪責償某身任之眾莫能奪遂發糧四萬斛舉郡羣焉祭哥柄政遣使指天下錢穀檄公分理時皆

希旨肆暴公寬猛適中不事剗剔時論多之廉却南郡建言
思播八番蠻獠所家怙險莫制盜弄我干戈虔劉我疆場宜
遷其右族郡縣之便且選良撫臣使之知懼

朝廷後以宣撫殿南服由公請也授奉政大夫浙東海右道
提刑按察副使未上廿六年雲南行御史臺授朝列大夫侍
御史公下車白曰南詔夷變服無常而侍臣綏御乖方得
不為將來之大戚乎訪軍民利病得汰冗貢薄稅斂省駟食
遷土官恤兵政已通懸布威德懷遠人切治體者二十餘條
乘傳以聞

世祖皇帝深所嘉納授吏部侍郎會高麗饑

制以公往

賑還日

奏對稱

旨授少中大夫成都路總管未幾

改西蜀四川道肅政廉訪使命下疾草至元癸巳七月四日

卒于都城寓舍春秋五十有五子時中等以樞歸以是年九月廿一日葬縣之麓臺先塋夫人周太原鼎族子男六曰時中朝列大夫信州路總管府治中時正承事郎清河縣尹時仁忠顯校尉僉浙東海右道肅政廉訪司事時義承事郎成紀縣尹時智時信未仕女三長適將仕郎懷孟路鈔庫大使劉自得次適沁州杜仲篪季適宣使相里輔孫男一十一之材從仕郎保德州判官之楹之拱之樞之推孫醜閭延童女孫二十三已適將仕郎萬泉縣尉茹春承事郎太谷縣尹張百顏不花忠翊校尉管軍千戶寇彥禮集賢院宣使李完澤冠州長官李荅荅曾孫男八黑黑頑頑霜臺曾孫女二弟時中狀公行事之京師泣懇曰先公棄諸孤養既克襄事歷年二十矣與先公聯事久莫子若知先公之素亦莫子若敢以

銘墓道請公資易直不置城府鄉黨稱孝友喜文士樂推挽
後進莅官將四十年理民為循吏執憲為才監司轍迹所蒞
威惠並著嘗治官書必察吏之賢否有以小罪當笞其人懇
以母老且病願沒身不齒仕版自贖公惻然釋之論者以公
有公輔之度云銘曰

維金其符 維辟有箚 父撝元戎 子為大夫 梁氏
婣焉 四葉始大 司牧司憲 遐邇畏愛 弱齡植節
白叟是從 教孚百里 澤普九農 天討南方 索
兵配籍 朶分殿最 配妥兵集 繫郢之壩 糜為盜
區 殲厥渠魁 乃苗乃畲 嶺海之南 蛇虺之窟
有來冷風 廓清瘴毒 粒民之飢 鋤吏之姦 威行
務川 德被岷山 口詔行臺 民勞官沸 露章 奏

庭南人是惠 帝曰俞哉 久汝南黎 其領春官

甫我東□ 四遠身周 幾半天下 使指蜀臬 吾將

稅駕 □中其壽 而畀其才 胡不百齡 于嗟公哉

汾流湯湯 晉山屹屹 植石鐫銘 以表窀穸

承事郎大名路清河縣尹次男時正

承事郎秦州成紀縣尹次男時義

延祐二年七月初十日

前僉廣東廉訪司事授朝列大夫信州路總管府治中長男時中

忠顯校尉僉浙東海右道肅政廉訪司事次男時仁□建
校碑題奉政大夫監察御史毫郡李源道撰集賢學士資
德大夫吳興趙孟頫書丹翰林侍講學士中奉大夫知制

誥兼修國史清河元明善篆額李源道元史無傳見元文類宋謝文節碑其碑中有云予在集賢待制番易周應極狀其事致定之之語求銘

定之謝疊山先生之子

嘗謂先生天下士

源道仰其文章風節蓋四十年而不一議是區區者尚可辭哉據碑中所述疊山以至元二十六年卒卒後二十四年江浙行省請於朝爲疊山書院又五年方爲墓銘是自卒至銘墓已二十九年以年表推之源道在集賢殆延祐四年事而此碑延祐二年立故其時尚爲御史也趙孟頫傳孟頫字子昂宋太祖後高宗立子偁之子賜伯圭第於湖州故孟頫爲湖州人至元二十四年授兵部郎中二十七年遷集賢直學士二十九年出同知濟南路總管府事至大三年召至京師以翰林侍讀學士與他學士撰定祀

南郊祝文及擬進殿名仁宗卽位召除集賢侍講學士中奉大夫延祐元年改翰林侍講學士遷集賢侍講學士資德大夫碑題集賢學士資德大夫恐係集賢侍講學士之誤應據以改正元明善傳明善字復初大名清河人仁宗居東宮首擢爲太子文學及卽位改翰林待制與修成宗順宗實錄升翰林直學士奉旨出振山東河南饑還修武宗實錄又升翰林侍講學士碑題翰林侍講學士與史合碑言公諱天翔字飛卿世爲汾州平遙人考瑛佩金符御前千戶尋升都元帥五路萬戶娶溫氏生四子公其季也以文階起歲丙辰尹平遙中統五年制授同知懷孟路奧魯總管府事至元九年授從仕郎介休縣尹十三年授承直郎同知鄆州御史臺才之授僉嶺南廣西道按察司事

遷海北廣東道提刑按察副使改奉議大夫西蜀四川道
提刑按察副使榮哥柄政遣使括天下錢穀檄公分理公
不事剽剔時論多之二十六年雲南行御史臺授朝列大
夫侍御史訪軍民利病切治體者二十餘條以聞世祖皇
帝嘉納授吏部侍郎往賑高麗饑還日授少中大夫成都
路總管未幾改西蜀四川道肅政廉訪使命下疾革至元
癸巳七月四日卒於都城春秋五十五是年九月葬麗臺
先塋夫人周子六時中朝列大夫信州路總管府治中時
正承事郎清河縣尹時仁忠顯校尉僉浙東海右道肅政
廉訪司事時義承事郎成紀縣尹時智時信未仕女三孫
男女孫曾孫男曾孫女均極繁衍時中狀公行事走京師
請銘墓道碑所言如此按丙辰歲憲宗六年公以此時尹

平遙中統五年卽至元元年以改元故史書至元而不書

中統按桑哥卽僧格

元史僧格舊作桑哥

至元二十四年閏二月復

置尚書省以僧格平章政事十一月以僧格爲尚書右丞相是柄政之證至元二十五年十月以參知政事錫都等十二人理算江淮江西福建四川甘肅安西六省錢穀耗失之數給兵以衛其行是遣使括錢穀之證公其時副按察於四川故有分檄之事續通鑑至元十九年詔御史臺得自選其屬用中丞崔或議臺察之選止由中書甯無偏黨之弊今宜令本臺得自選任從之故公於二十六年雲南行御史臺得授侍御史世祖本紀至元二十八年二月丙戌詔改提刑按察司爲肅政廉訪司是提刑按察自二十八年以後均稱肅政廉訪公於至元三十年拜此命故

碑文謂爲肅政廉訪使與史本紀合癸巳者至元三十年是也夫人周見定襄周千戶碑子六人與縣志事實合其所稱走京師者則源道爲御史在都時也今縣志悉載此碑文可據以補者如同知關州當作郢州以關職聞當作舉職估關莫制當作估險第志亦有不可據者如銘詞露章奏庭顯然成句而志誤將露章四字劃分爲兩且以奏庭爲參庭疏舛多矣末題承事郎大名路清河縣尹次男時正承事郎秦州成紀縣尹次男時義前僉廣東廉訪司事授朝列大夫信州路總管府治中長男時中忠顯校尉僉浙東海右道肅政廉訪司事次男時仁並與梁萬戶碑題合碑見寰宇訪碑錄通志金石記

平遙梁氏世表

梁顏

秉鈞

字仲平

瑜

秉鈞子平選令

棟

瑜子

玫

秉鈞次子

瑛
秉鈞三子
子征行
都元帥王
路萬戶

翼

瑛長子
遷成都
轉運使

羽
瑛次子
太原路
管軍千戶

珙
瑛三子
早卒

天翔
瑛四子
字

驢兒

棟子

偉

宣武將軍行軍

總管

儀

偁

傑

秦王府
侍衛

備

太原路
管軍千戶

佐

時中

天翔子信

之材

保德州判

醜聞

黑黑

思賢

行軍千戶

思敬

行軍千戶

千戶

千戶

千戶

千戶

上卷之三

飛卿四川州路總管官

訪使

時正天翔女子
之楹

清河縣尹
之棋

時仁天翔三子
之樞

僉浙東海
右道肅政
之推

廉訪司

時義天翔四子

成紀縣尹

時智天翔五子

時信天翔六子

延童

頑頑
霜臺

珪乘鈞四

珍乘鈞五

瓊乘鈞六

琮乘鈞七

令

乞僧瓊子

張奴琮子

万僧琮次

千干琮三子

永澤廟堂記

碑高三尺七寸五分廣一尺九寸五分
二十一行行五十字正書今在介休縣

冀寧路汾州介休縣豹虎何村重建永澤廟堂記

冀寧路解元忻州儒學正里人胡公復撰

鄉貢進士里人宋欽書

延祐改元之三年五月一日貴里豹虎何村郭顯李山陳瑞
李茂宋珪任璘踵門謂余曰

潤濟侯者茲郡興雲雨之神也爰自後魏佐主有軍功久戰
汾陽之西北其山無水 侯之士馬困乏所望活命者惟水
耳 侯欲之他尋訪乘馬跑地而泉出焉其流溉田利物代
代無窮矣人慕 侯之德被 侯之澤於泉側建廟而歲祀
不輟昔嘗大旱官率士民而詣廟請禱甘澤時降捷於影響
由是 宋朝崇重廟錫永澤 侯封潤濟之所自也本縣汾
陽軍所屬也聞耆舊相傳肇自金世建 侯行廟於吾之鄉
矣中更兵革鞠為茂草

大元龍興欽崇神聖詔諸路郡縣所在名山大川五嶽四瀆
忠臣烈士凡有功於民者悉祀之厥後邑之官寮里之士庶

於 侯誕辰悉來祭享奈舊址茅塞饋奠無所先進任繁陳
和等相謂曰吾鄉永澤廟遺址幸在曷若併力經營修建堂
廟上以遵

國朝之所詔下以述前人之事功何如僉議允肯各施財物
勦力營建不歲成之廟殿復完神像悉具庶得歲時祭焉旱
沴不作大德七年歲步癸卯八月六日夜厚坤失載動若浮
舟官舍民屋率皆崩陷廟堂與焉

朝廷為之賑恤更平陽曰晉(寧)太原曰冀(寧)震踰數年不遑
經始今我

聖天子御世恩漸動植祀及神祇天地位焉雨暘時若郭顯
李山陳瑞李茂宋珪陳裕宋信任璘等僉曰吾鄉幸風(寧)俗
厚民物阜蕃緣廟址荒蕪殿庭瓦礫神無以棲其靈民無以

徵其福來者見為惻然豈得謂之里仁為美乎於是糾集一十八村人戶輸財營葺仍舊建大廟東西構二堂一曰廣善侯一曰訶利帝

塑飾像貌丹堊垣壁戶牖爰

器靡不具焉請為記以文諸石庶永其傳與余應之曰夫鬼神者造化之跡也人之所以積善獲福積惡被禍歲之所以風雨調順五穀豐登寔鬼神之用也數君子者廟堂建完敬神甚謹加以好賢樂善保族宜家大功既畢美跡已續奚以記為辭不獲已書此識之歲在丙辰五月端陽日記

司吏張克溫 馬思礼 賈瑞 任秉中 吳仁 馬德

華

本縣陰陽教諭任履道

省差介休縣典史趙秉恕

將仕佐郎翼^寧路介休縣尉楊觀節

進義校尉翼^寧路介休縣主簿馬嗣周

承事郎翼^寧路介休縣尹兼管本縣諸軍奧魯勸農事和謙

進義副尉翼^寧路介休縣達魯花赤兼管諸軍奧魯勸農事八兒思不花

鄉貢里人 宋珪 李茂 李山 陳瑞 郭顯 任璘
立石

孝義縣董同村燕林 燕秀 男燕茂刊

按碑題翼甯路解元忻州儒學正里人胡公復撰鄉貢進士里人宋欽書碑言潤濟侯茲郡興雲雨之祥自後魏佐主有軍功久戰汾陽之西北介休縣志馮鉦^{元劍南}河村

新修潤濟侯廟記邇侯之初河西王禿髮傁檀之子奔北

魏世祖謂侯曰卿與朕同源今可爲源氏賜名賀累立戰

功封平西王改隴西卒諡宣

事詳魏書北史

馮記又言侯從世祖

擊西河叛黨白龍至白彪山下馬或墮足躍地出泉後人

遂名其泉曰馬跑泉又名源公池疏流濬源溉田畝十頃

立廟以祀宋崇寧中鎮將許某祈雨立沛因榜爲永澤廟

宣和元年大梁營宮室遣使取河東大水時亢旱汾流旣

涸知汾州軍周煒懼違詔命誠禱於侯大雨浹旬木筏得

順流以達於是河東經略安撫使李某請於朝封潤濟侯

與此碑言馬跑泉暨云宋朝崇重廟錫永澤侯封潤濟者

合一統志源祠水在平遙縣東南十五里平地湧出溉民

田北注中都水入汾卽此水也碑云元興欽崇神聖詔諸

路郡縣所在名山大川五嶽四瀆凡有功於民者悉祀之
按此詔見封二賢勅碑陰碑云大德七年八月六日夜厚
坤失載官舍民屋率皆崩陷廟堂與焉朝廷振恤更平陽
曰晉甯太原曰冀甯震踰數年不遑經始元史本紀大德
七年八月辛卯夜地震太原平陽尤甚村堡移徙地裂成
渠人民壓死不可勝計遣使分道振濟爲鈔九萬六千五
百餘錠仍免太原平陽今年差稅山場河泊聽民採捕十
月戊子弛太原平陽酒禁八年正月己未平陽太原免差
役三年五月庚辰以去歲平陽太原地震宮觀摧圯者千
四百餘區道士死傷者千餘人命振恤之九月癸酉四川
雲南鎮戍軍家居太原被災者給鈔有差十一月壬子以
去歲平陽太原地大震免其稅課九年二月丙午平陽太

原地震站戶被災給鈔一萬二千五百錠四月癸亥以地震改平陽爲晉甯太原爲冀甯七月禁晉甯冀甯釀酒蠲今年商稅之半十一月丁未以去年冀甯地震站戶貧乏詔諸王駙馬毋妄遣使乘驛十二月乙亥賜冀甯路鈔萬錠鹽引萬紙以給歲費十年正月晉甯冀甯地震不止校大德太原平陽地震實奇災朝廷救恤見本紀者特詳今故備列之亦可與碑云震踰數年者相參證碑以延祐二年重修廟而撰碑末所題官有省差介休縣典史趙秉恕將仕佐郎介休縣尉楊觀節進義校尉介休縣主簿馬嗣周承事郎介休縣尹和謙進義副尉介休縣達魯花赤八兒思不花皆以延祐三年任

又鄉貢里人宋珪李茂李山陳瑞郭顯任瑋亦見是碑

重修臥龍祠記

碑連額高三尺五寸五分廣二尺三寸五分十九
行行二十八字額題六字均正書今在襄陵縣

風雨時而年穀登此有國之上瑞生民之至願也奈天人氣
同刑政攸宜則陰陽弗戾人疾痛則呼父母窮極則依神祇
方雨澤愆期苗槁而種不入當口是時也君不能禁其民之
流離父不能恤其子之凍餒則相率而乞憐於山澤之神謂
神祇我之君父也安知上下之懸幽明之異口口親若咫尺
誠意一格死者無生者暢祠而奉之殆非淫且誣也維崇山
卧龍行祠值大德辛卯口郡邑屋無子遺此獨隳其左右腋
議締構之蔑有唱率者張相里李忠李信楊澤趙瑞安李里
張和南張里張寅管老劉誠慨然曰進止一言何浮沉歲月
為遂奔走闔境迓耆舊諭卧龍神明占雨者以是為准山或
無雲雖陰不雨猶洞趙之取信霍嶽也且千金之子尚煥厥

棲吾徒居安食飽歲時一奉香火之虔曾否視祠宇之陋乎
座上莫不壯之且堅厥志各探囊中有以助至五千餘緡訖
功而積猶有□傍周樂亭之未逮者於以見天下無不可成
之事無不可動之衆顧義之與志何如耳今我民待食以生
我稼待雨以茂為之宮室之傑牲醪之潔絲竹之節固未旦
荅神惠其於義則宜也願文其實子因作迎送二章俾侑奠
云其迎神辭曰坎坎兮鼓鼙□長篇兮風淒淒我之疾痛兮
□君父焉依疾獨痛釋兮非神孰貽神之未降兮我心孔悲
神之降止兮毋遘其歸其送神辭曰風和雨時神意愉愉雲
車儼駕兮雷電先驅□自東及西兮濃綠萬區神之福我兮
終始弗逾我之奉神兮神其灼諸

延祐三年五月日蒙

溪

後人寓堂張思敬撰并書

東秦衛學刊

按襄陵縣志臥龍神祠在縣東南崇山西嶠延祐三年重修歲旱禱雨輒應張思敬撰記按卽此碑碑言大德辛卯郡邑屋無孑遺此卽指大德八年七月地震事碑有張相里李忠李信楊澤趙瑞安李里張和南張里張寅云云襄陵縣志河東大路村莊張相四十里卽蒙溪故里安李四十里南張四十里此仍元舊名之證碑云有助至五千餘緡可謂鉅數碑末題延祐三年五月日蒙溪後人寓堂張思敬撰并書元王惲蒙溪先生墓碑君諱著字仲明一子思敬思敬任南陽教官亦見墓碑此碑蒙字下有闕文以蒙溪碑證之卽溪字碑以延祐重修而立

后土廟置地畝記

碑高一尺六分廣一尺七寸二分
十四行行十四字正書今在猗氏縣

后土廟增置地畝壁記

桑泉賈由義撰

邑人王中書

猗頓城郭之西有后土皇地祇廟預世歷遠年彌深興建之
詳胡可稽考復經陵谷變遷劫火焚蕩榱桷無餘好事者仍
舊址葺一小堂歲時祭之里人衛祥閱其卑陋廼獨力營為
正殿三間以妥坤靈會城郭耆舊結為一社庸展裡敬之誠
圖報生物含弘之德也因覩廟宇規模狹隘荆文明之遂施
廟後地一畝以廣其居又用價增買東偏之地東至鞏續置
荆信地二間西至自南至官街北至道以步武計前闊二十
八後闊三十三南北長六十四故刻諸琬琰以永其傳庶絕

侵爭訟之端爾

延祐三年七月日閻澤立石

助緣衆社人等衛守土 趙存仁 楊思高 許尚臻

何東儒 于是口 衛郡 衛廣居 衛啟士 衛遵周

衛守貴 衛三晉 衛衍周 衛廣土 杜一橋 趙

存智

萬曆四十五年季冬栽柏樹一十三株

按碑題桑泉賈由義撰邑人王中書猗氏縣志后土廟在西關坊曰汾陰行宮通志金石記元后土廟增置地畝碑延祐三年在猗氏縣西碑言猗頓城郭之西有后土皇地祇廟卽縣志西關之后土祠碑言后土廟兵火後焚蕩無餘僅葺一小堂里人衛祥營正殿荆明之又施買地以廣

之立石以永其傳按衛荆二族猗氏大姓

如明衛庭芝衛廉荆琨荆來庭

皆是而碑所載諸人名則無可考

題潞公軒詩

碑高二尺二分廣二尺二寸六分十九行行十九字正書今在冀城縣

至元二十七年仲秋上旬日滎陽子題

百里菲輕授流清在本源公平民自理明斷獄無冤作掾稱
三語興邦繫一言後來賢令尹瞻仰潞公軒

文潞公嘗為翼城宰有碑刻存焉東堂乃潞公軒也

崖斷灘平水亂流煙林簇簇點沙洲小軒踈雨留人住飽看
雲山一帶秋

至大己酉十有六日西塋過此

遠澗潺潺曲水流遙望白鷺落芳洲田園好景堪人羨古寺

青山積有秋

皇慶二年二月中旬

石磧淙淙湧細流斜陽歸鳥別汀洲倉山無數來迎客白髮
垂肩又度秋

皇慶改元陽復月真庵題

灘平水淺兩分流煙樹昏昏映小洲枕簟夜深涼似水可人
天氣屬新秋

延祐乙卯七月上旬八日翁謬賡西埜高韻

河勢弓彎不斷流人家穴處滿蘋洲山容疑見朝來爽為得
西風一夜秋

延祐丁巳七月二日奉西埜嚴韻竹泉

按翼城縣志宋潞公軒記碑卽河亭宣和中縣令李元儒

記路公治翼修河亭於廳事之後親書歲月榜於屋楹後更以國爵名軒金學士鄭輝元判官王惲學士郭西埜廉訪僕玉立并貞菴有詩按碑前刻至元二十七年仲秋上旬日灤陽子有五律一首後有文潞公嘗爲翼城宰有碑刻存焉按卽宣和李元儒記後刻七言絕句五首第一首有跋至大己酉十有六日西埜過此第二首末有皇慶二年二月中旬文第三首末有皇慶改元陽復月眞庵題第四首有延祐乙卯七月上旬八日闕翁謬廣西埜高韻五首末有延祐丁巳七月二日奉西埜嚴韻竹泉以翼城縣志考之第一首爲郭西埜作第三首爲貞菴作第二四五首志不載碑首刻五律一首而詞意均平直去唐人體格遠矣

李公瑩志

碑高三尺八寸廣一尺八寸四行行八字末題年月
一行行十四字額題大元二字均正書今在太谷縣

贈亞中大夫同知河東山西道宣慰使司事輕車都尉追封
隴西郡侯李公之瑩誌

延祐四年壬子月中旬良日曾孫建

按今搨本有大元贈亞中大夫同知河東山西道宣慰使
司事輕車都尉追封隴西郡侯李公之瑩誌延祐四年壬
子月中旬曾孫建太谷縣志元亞中大夫輕車都尉河東
山西道宣慰使司平西侯李公碑在縣東北四十里東里
村西元延祐四年立石至今碑蹟尚存通志同按卽此碑
而誤同知宣慰爲宣慰司隴西郡侯爲平西侯非得此搨
本莫證其誤元史百官志宣慰司有同知一員從三品勳

一十階輕車都尉從三品爵八等郡侯二一正三品一從三品又志云若上柱國郡王國公時有除拜者餘則止於封贈用之李氏望隴西故封隴西郡修志者以平西侯更之誤矣

聖母祠禱雨詩

石高二尺廣二尺五寸七分二十八
行行二十一字正書今在太原縣

聖母祠禱雨一首

天泐雪雷應寒松聖母祠
肯可鑑容水利萬家豐
稻晦山靈千古壯
桐封司炎政虐連雲稼使
憲情深望雨農式灑甘霖
徧寰宇泉闕譚起抱珠龍

唐叔汾東王祠一首

掌文握瑞旣符天
宗子維城足尚賢
功在生靈報君父
禮宜

尸祝配山川喬雲色映三農壤皆雨神通萬斛泉幸與諸公
謁祠下令人長歎剗桐編

晉祠奉酬張憲僉韵一首

泉溜琮瑋玉凍香稻舨厯落卦齊疆山頭雲氣肱媒雨木杪
風聲凜孕霜神漢有靈凝沆瀣客纓無垢得滄浪不須對境
譚今古聊詠新詩送夕陽

御史李术魯台子輩由

翰林

國史院編修調河東山西道肅政廉訪司經歷既拜西
臺監察御史未赴前龍集丁巳四月初九日陪本道廉訪
使普化嘉謀崔資善憲僉張承德憲賓孫承務照磨直兒
五爵將仕偕游於晉谿樂其山水秀麗酒酣賦詩援筆而
成其辭嚴義密音節宏亮風骨清雄雖唐之鼓吹無已加

焉歸將所作近體前後凡貳首並附隱士鵬舉李君然公
昇鵬舉衛符義契慨然作抱燭齋記今見樹碣於家塾李
君亦素愿爲台門下士愛其詩律披翫三復腴味百出弟
恐微言之將泯故壽諸石以俟來詰其鐫師安仲祥泊子
豚亦感公之雅意惠以文畀呂名亦不計互謀利樂與之
刊也宜哉

時延祐蒼龍戊午夏己未月尚旬吉日

奉政大夫保甯等處萬戶府萬戶石抹思誠盟手謹識拜
書

按碑前刻富珠哩獅

欽定本注原
作李朮魯獅

聖母祠禱雨詩唐叔汾

東王祠詩奉酬張憲僉韻各一首後有保甯萬戶石抹思
誠跋今太原縣志藝文刻李朮魯獅聖母祠禱雨一首餘

不載碑云御史李亢魯公子翬由翰林國史院編修調河

東山西道肅政廉訪司經歷拜西臺御史未赴前丁巳四

月初九日陪本道廉訪使普化嘉議正三品階崔資善正二品階憲

僉肅政廉訪司僉事張承德正六品階憲賓當為肅政廉訪知事孫承務從六品階照

磨直兒瓦解將仕正八品階游於晉谿樂其山水秀麗酒酣賦

詩云云元史富珠哩翀傳字子翬其先隆安人金泰和間

定女眞姓氏屬望廣平翀從京兆蕭齋游其學益宏以肆

翰林學士承旨姚燧以書抵齋曰燧見人多矣學問文章

無足與子翬比倫者大德十一年以薦授襄陽縣儒學教

諭升汴梁路儒學學正會修世皇實錄燧首以翀薦至大

四年授國史院編修官延祐二年擢河東道廉訪司經歷

遷陝西行臺御史五年拜監察御史以此碑考之則翀由

河東經歷遷西臺御史在延祐四年四月寰宇訪碑錄襄
城學記李允魯撰撰至治元年正月後此碑立三年碑末
題延祐戊午己未月又碑有隱士鵬舉李君然卿
官至翰林學士卒至元四年

黎城聖廟記

碑高五尺六寸七分廣二尺七寸二十
九行行六十八字正書今在黎城縣

黎城縣重修宣聖廟記

宣授翰林待制承德郎兼修國史院

編修

□權秉中撰

奉議大夫楊州路滁州知州兼管諸軍奧魯勸農事□繼
昌篆

恩平王位下王府□學官王崇智書

天地吾知其易毀也一德不脩則裂日月吾知其易長也一
政不行則缺山嶽吾知其易壞也一化不明則崩河洛吾知

其易涸也一□□善則□大哉吾聖人之道流萬世而□窮
施四方而弗絕楊墨秦嬴不能毀滅者諒由根柢堅而枝幹
茂淵源浚而流派遠者也三才五常為根柢不亦堅乎堯舜
禹湯為枝幹不亦茂乎六□九疇為淵源不亦濬乎孟荀楊
韓為流派不亦遠乎且天地日月山嶽河洛皆氣也氣浮且
動所以有裂有缺有崩有竭吾聖人之道大中而□行至正
而難□父子有親君臣有敬夫婦有別長幼有序朋友有信
不可易之道也故無虧焉後世有天下國家者崇其道尊其
教宜乎歲時致祭永永而不絕也□□□云自天子至於郡
□□□通得□而徧天下者惟社稷與孔子耳然社稷位所
不屋而壇豈如孔子用王者祀事巍然當坐哉郴郴州亦言
夫子之祀爰自京師大學徧於州□夫子之道□□尊親二

帝三王所以俾大也由此言之自生民以來□乎未有一如孔子者矣後之學者雖欲極言而增大之又孰加焉惟承宣之流得尊其道以恢其教崇其廟以昭其尊斯可謂□其本者也黎城古黎侯之國縣南門東舊有

宣聖祠金大定間昭義軍節度使李文簡公嘗宰邑故廟宇視他邑為最□兵革之際焚蕩殆盡為荆棘瓦礫之場踰三十年

國朝歲己未縣長趙思忠訪廟故迹築以繚垣而無朔望香火之所中統建元先伯父鳳崑君主簿事為屋三楹春秋釋□□□後□縣者漫不加省迨至元十年冬磁州倖劉渥來尹邑下事之始慨然有起廢之思越明年政通民和□謀諸僚吏暨鄉元生傅知事湯臣辭意既全遂鳩功募材庀徒歲

事□□故址促迫為嫌從後□□舉武不偏不頗乃□其中
簿尉□紹榮董其工役不閏歲而廟乃成高敞爽塏令人望
而生敬棖桷棟楹皆榱桷豫樟之木壁□□礎砌斲堅□塑
聖人及十哲像冕□珠旒□用周制鄒亮而下從燕居之儀
翼侍左右方經度其餘秩滿弗克銅臺李琳承任思繼厥功
□□僚來魯不花溫庭瑞築建大成之門餘亦闕如也三十
一年春達魯花赤也孫□以廟貌未完誓於心而□於人□
圖興修也縣□成簿□馮合謀協憲□邑之二十二杜長□
□□□木為周廡為講堂為□舍為應門為講生肄業之
所凡七十二□吾韓□代成而來用意愈確以瓦甍未加心
致霖雨摧壓□□群力公退之餘小大工役親□之略不□
怠雖□意私室者亦不是過無幾何上下□麗輪奐復還舊

觀簷楹飛動俯瞰閭閻矢棘鳥□之狀雄冠一方□繪七十二弟子配享□□以來諸大儒從祀焉今年夏余受命過家拜

先聖先師顧覩其禮殿巍如兩廡翔如門楣閎如講堂□如厨舍潔如基石如目擊其美而心豁然所以為美也竊自惟之我

國家混一四海崇尚儒術詔諸路府州縣邑應設廟學書院損壞□即修完為守令者往往榛蕪不治今吾邑前後為政者皆能謹庠序之教時時踵修之上以副

聖天子恢張文治陶鑄人材之意下以使鄉閭後進踴躍濟濟習俎豆揖讓進退之禮蓋知王政之大端承流宣化之達其本者也而余里人也幼受經於斯百廢無一舉今拜廟於

斯百廢皆一新熙熙聖化中不知手之舞之足之蹈之也故
撫實而樂書之元貞元年秋九月望日記

大元延祐五年正月 日縣尹白謙立石

忠郅校尉晉寧路黎城縣達魯花赤兼管本縣諸軍奧魯
勸農事蒙古不花

承事郎晉寧路黎城縣尹兼管本縣諸軍奧魯勸農事白
□

進義校尉晉寧路黎城縣主簿速來蠻

晉寧路黎城縣尉九住

典史郭欽之

儒學教諭張□□

以上尚有數
名不可辨

按碑題宣授翰林待制承德郎兼國史院編修權秉中撰

奉議大夫揚州路滁州知州兼管輿魯勸農事

闕繼昌篆

恩平王位下王府

闕

學官王崇智書按黎城縣續志碑正

書元貞元年立進士權秉中文潞安府志權秉中黎城人

元進士

翰林待制兼國史院編修遷監察御史與兄執中同

以文章顯然則今揭本國史院下闕者當卽編修字元史

諸王表恩平王塔斯布哈至大四年封此碑立延祐五年

在至大四年後故得有恩平王位下官碑云舊有宣聖祠

金大定間李文簡嘗宰邑故廟視他邑爲最國朝歲己未

縣長趙思忠訪廟故迹中統建元伯父鳳巖主簿爲屋三

楹至元十年冬州倅劉渥來尹邑慨然起廢三十一年春

達魯花赤也孫

闕

以廟貌未完云云以潞安府志考之黎

城縣儒學在縣治南門左金大定間縣令李晏修宏鉅甲

諸邑金季燬

今縣志李晏傳大定間除黎城令重修學校

晏以明昌癸丑鎮昭義碑文

字下當卽舊字稱其諱也

元憲宗己未縣令趙思忠訪

故址繚以垣中統建元主簿權鳳巖始建屋三楹至元十

年知縣劉渥拓址增修以秩滿弗克竣嗣令李琳繼成之

建大成門三十年達魯花赤也孫朶興修凡七十二楹邑

人權秉中記以碑證之當云三十一年按府志所述卽据

此碑修志者所見係未漫漶之本耳碑末題元貞元年九

月望日記延祐五年縣尹白謙立石所題諸官有忠翊校

尉黎城縣達魯花赤蒙古不花

黎城縣續志作未魯不花

承事郎黎城

縣尹白桉卽白謙潞安府志白謙延祐間任黎城令

當作黎城

尹時值大亂後學校荒廢無書籍可讀乃出素所積並廣

求四方經史子集凡四千二百餘卷作藏書樓貯之有功

於學校甚鉅又有進義校尉黎城縣主簿速來蠻黎城縣尉九住典史郭欽皆可爲考晉故之助碑有尉關紹榮云云以續志考之當卽姬紹榮志主簿姬紹榮至元中見文廟碑陰續志云元貞元年立者乃撰碑之年今碑題延祐五年立

重修雙鳳山五龍聖母廟記

碑高四尺二寸廣二尺十七行行五十七字字徑五分正書篆額今在壽陽縣

重修雙鳳山五龍聖母廟記

忻州九原范孝純謹撰

祇授勅牒興路蒙古教授王好古篆額

竊謂興路蒙古生員壽陽縣范村趙搏霄書丹

天地之所以爲天地萬物之所以爲萬物不過一理而已然理雖無異物或不齊是故日月運動雷霆擊搏風雨和潤四

時錯行品彙始資生元氣之屈伸消長莫不因其禮而著焉
大傳有云在天成象在地成形變化見矣參天地而贊化育
者唯聖神之仁具雲霓而致霖雨者乃山川之氣山川之氣
不外黎庶之情皆欠夫壽陽者孟南與北之名邦河東山西
之大邑邑之西北有山曰雙鳳其突兀兮嵐光可掬峻極乎
煙景無窮乃閩郡之魁為群峯之首也於頂其池有三澄清
洞澈雖遇旱澇亦無涸溢竊嘗論之山形外實地脉內充氣
自下而口湧水始出於崇顛雖其理之自然亦迺山之秀也
為

五龍聖母所居之域豈不偉歟惟

龍之德妙靈匪測變化無窮或飛或潛或顯或淑鈞深致遠
探蹟索隱博施雨澤擅布風霜濟生民之塗炭滋稼穡之碩

榮神聖功德詎可述歟其□歷宋金以來蓋有年矣漸漬凋
摧頽毀極矣觀之者無不忿歎是以□□□□□□□□
□□□□□□□□□□稟賦精英如見明敏傷□鳳
盛事致廢悼祈禱之禮不修憾追報之情久聞特發誠懇各
施□財於延祐丁巳年 月 日構財鳩功是以其之
同心者多協力者衆□□者如雲荷鋪者若雨不期月而落
成連甍接棟使間架復舊規模龍衣鳳裳爲聖神更新圖像
廟□翼翼神像儼然配□□□粧飾鮮明嗚呼其□□春
風和氣□□昱工乎結□□皓月於後使禮廟者盡其誠雙
鳳之盛事復舉矣不遠九原特造蓬華致敬盡禮囑予爲文
以記之義不獲辭□□才以贊道也姑摭其實而爲之記

辭曰

嗚呼雙鳳

勢凌穹蒼

煙嵐藹藹

溪水

洋洋

五龍聖母 幻化無疆 廣施雨澤 普濟群方 斯民末
賴 追報禮常 歷年既遠 殿毀推樑 四村有衆 口
然感傷 一發誠懇 復新廟堂 規模弘展 粧飾輝煌
神像顯若 如竦如行 凡斯祝禱 無或怠荒 以文
刻石 俾後不忘

旨大元國延祐歲次戊午己酉仲秋十有五

日 校此碑爲重修雙鳳山五龍廟而作忻州九原范孝純撰
冀甯路蒙古教授王好古篆額冀甯路蒙古生員趙擢霄
書丹一統志雙鳳山在壽陽北四十里兩峯突出形如鳳
翽上有五龍洞洞壁五色成龍滴水懸珠不絕忻州元建
九原府見張安甯墓表選舉志學校至元六年置諸路蒙

古字學命諸路府官子弟入學上路二人下路二人府一人餘民間子弟上路三十人中路二十五人願學生徒與免一身雜役十九年路設教授以國字在諸字之右王好古蒙古教授趙搏霄蒙古生員也與志合金石記太原縣雪峰和尚道行碑王好古撰卽此人竊謂二字卽書於趙搏霄銜名之上無此體天地亦無須提行疑後來妄人所添刻

襄陵牛氏墓碑

碑高七尺廣三尺二寸二十一行行五十一字正書今在襄陵縣東柴村

□□牛氏墓碑

金紫光祿大夫上柱國韓國公翰林學士承旨知制

誥兼脩國史中書平章政事李孟撰

翰林學士承旨榮祿大夫知制誥兼脩國史趙孟頫書

翰林學士承旨榮祿大夫知制誥兼脩國史□□□□

夫士君子能顯名當世流慶後昆者未有不由祖父積善所

致而能推本求原不忘所以報者是必厚德之人也晉書襄

陵牛蒡子曰先祖初以才辟甘肅行省掾尋升中書省掾中

都留守司都事至大四年時政一新始以五品秩選刑部主

事明

聖天子推恩例賜滋秩奉訓大夫霍州知州飛騎尉正平縣

男後五年滋使來告曰滋毫矣無所為於世昔徒以弱子備

位於朝不階尺寸之功獲被顯秩榮及衰暮報

上之德其在於子孫追念先人昊天罔極表墓之辭惟公幸

焉嗚呼非吾所謂厚德者耶校牛氏之先世家雲中之豐州

為遼金大姓

金之亂曾大父謙攜家

南徙過襄陵樂之日吾

必家於是

客河東歲餘亂定竟徙居之謙子順順子昌皆能

務本力善以基其業有鄉曲之譽昌字伯亨

益知薦學制行

以培其本有士大夫之目仕至

監當平陽府權口

官三世皆

葬邑之東

柴里南原伯亨

凡三聚

曰崔氏王氏薛氏

子三人

長即滋次日源次

日淵滋孝友

端愿以勤儉起家

以裕饒

能用其餘以為德

今年八十餘聰

明康強為

鄉黨所尊亦三

娶曰崔氏日韓氏

日王氏

追封正平縣君

有子三人

長即光

祖有幹局以廉慎

稱今由工部主事為上都留守司經歷官

階奉政大夫次紹祖

顯祖蚤世源娶衛氏

子二人

曰明祖

祖鼎娶晉氏

子三人

曰繼祖敬祖

儀祖

光祖初娶王氏

再娶

韓氏趙氏皆封正平縣君

趙有子日燕閭

文日素英

吾顯牛

氏之興自滋而上世有令德自滋而下世濟其美非有本有

源者乎然大河之奔流萬折而東雖高陵峻辟莫之能禦者

源之遠也喬木百圍高摩蒼穹雖疾風迅霆莫之能折者本

之固也矧牛氏之興昉於濫觴而肇於方寸者乎苟濬之培

之而不已則其遠也大也庸有艾耶觀茲之所以請及吾之

所以告者非濬之培之方而遠大之歸耶銘曰

逝矣牛氏 蕭自雲中 遂遷襄陵 敦善力農 三世

而仕 五世而昌 父敏於家 子勤於邦 正平之封

沛河洋洋 正平既毫 爰念祖考 匪積之厚 曷

久以保 維其保之 曷終報之 悠悠子懷 曷終念

之 南原之阡 有松有柏 彼穹者碑 永世之則

延祐五年 月

按碑題金紫光祿大夫韓國公翰林學士承旨知制誥中書平章政事李孟撰次二行刻翰林學士承旨榮祿大夫知制誥兼修國史當一爲篆額人一爲書丹人襄陵縣志牛氏墓碑平章政事李孟撰末題延祐五年閏月翰林學士趙孟頫書今碑文悉與志合知卽此碑元史李孟傳仁宗嗣立真拜中書平章政事進階光祿大夫賜爵秦國公皇慶元年正月授翰林學士承旨知制誥兼脩國史仍平章政事十二月以平章政事議中書省事承旨翰林二年夏還國公延祐元年十二月復拜平章政事二年七月進階金紫光祿大夫改封韓國公復爲翰林學士承旨碑立延祐五年在進金紫封韓公後題銜悉與史合趙孟頫傳延祐三年拜翰林學士承旨榮祿大夫六年得歸碑銜亦

與史合碑言晉甯襄陵牛滋有子曰光祖以才辟甘肅行
省掾尋升中書省掾中都留守司都事至大四年時政一
新選刑部主事明年推恩例賜滋秩奉訓大夫霍州知州
飛騎尉正平縣男云云襄陵縣志元牛光祖以才辟行省
掾尋升中書省掾中都留守都事有幹局以廉慎稱選刑
部主事授大同治中泰定改元擢大都路兵馬指揮使尋
官京畿都漕運使階中順大夫天歷改元爲河東陝西都
轉運鹽使升中奉大夫雲南諸路行中書省參知政事佩
三珠虎符遍管軍馬次年致仕隴西郡公碑言選刑部主事在
未遷大同治中前碑又言後五年滋使來告曰表墓之辭
惟公幸焉皇慶元年之後五年則延祐四年也碑言牛氏
之先世家雲中之豐州曾大父謙攜家南徙過襄陵樂之

亂定徙居謙子順順子昌字伯亨仕至監當平陽府權官
三世皆葬邑之東柴里亨子三滋源淵滋子三人長卽光
祖今由工部主事爲上都留守司經歷階奉政大夫襄陵
志不言爲是官可据碑補碑云次紹祖顯祖蚤世又縣志
父滋知吉州累贈戶部尚書隴西郡公源子二人明祖耀
祖淵子三人繼祖敬祖儀祖縣志光祖弟敬祖任大同縣
尹碑以李孟應牛滋之請而撰縣志陵墓誤以爲牛光祖
墓碑不知此時光祖甫官上都經歷尚未顯達碑立有致
仕前十餘年特表其先耳縣志誤今碑文多漫漶据縣志
文補碑立延祐五年

明應王殿碑

碑高四尺一寸八分廣二尺二十八行
行七十三字不等正書今在趙城縣

重修明應王殿之碑

承事郎晉寧路趙城縣尹兼管本縣諸軍奧魯勸農事王
刺哈剌撰并書

將仕郎晉寧路趙城縣主簿崔友聞題額

趙城之爲邑其來尚矣斯東有山崦嵫積而能大峻而能喬
者霍嶽也其下有波涵湧撓之不渾用之不竭者霍泉也山
之興寶藏育品物主中之鎮崇德應靈王爵褒封

皇帝遣使歲時致祭壯國阜民興雲洩雨非南山有臺有萊
興樂賢之比實能爲邦家立太平之基矣夫泉之始渠曰南
北二霍而所由來者有漸也其大如天如淵泛濤不口乎晝
夜溉田何啻乎億餘濟民豈不溥博者與而威沸流淇浸彼
苞粮奚又同時而語耶南北二渠七之而三土人相傳此例

比定嘗經

朝廷爭理數年而後已見有豐碑在縣可考定其陡門來口堤堰設其渠長溝頭水巡俾富豪強不敢恣其情次上中下乃得卽其便歲中值霖雨漲溢防垝缺壤驗民之富貧役力之多寡卽塞實之頗有少緩而墮者科罰無虛示也而舊立條款班班若日星又誰敢增減一字哉泉之北古建大刹精藍揭名曰廣勝不虛譽耳視其佳麗絕秀非大雄能棲此乎殿廊齋舍僅可百楹僧行稱是

世祖薛禪皇帝御容佛之舍利恩賜藏經在焉乃為

皇家祝壽之所由右松杉怪異花竹參差左山色重重前水聲漚漚砌重而基峻昼棟含煙珠箔蔽日璘珣鴛瓦璨爛竈文金碧著乎樓題鏤彫鮮乎料拱重簷翬而飛直如棘者

明應王殿也度其境真降神之鄉語其方盡祈福之地惟

王濟黎元之利大也非宮不可居報家國之功深也非王

不可爵鍾其山名水秀必如是而後得庶幾也詢之故老每

歲三月中旬八日居民以令節為期適當群卉含英彞倫攸

叙時也遠而城鎮近而村落貴者以輪蹄下者以杖屨挈妻

子與老羸而至者可勝既哉爭以酒肴香紙聊荅神惠而兩

渠資助樂藝牲幣獻禮相與娛樂數日極其厭飫而後顧瞻

恋恋猶忘歸也此則習以為常僉曰古今之勝遊嘉賓根其

人心所同然設以厲禁莫能也此與神之格思不可度思矧

可敦思不侔矣緣其舊殿宇門廊像繪尤備不幸至大德七

年八月初六日夜地震河東本縣尤重廡有子遺書云火災

崑崗玉石俱焚奚嘗有二哉上下渠堰陷壞水不得通流當

年十一月渠長廊下郭髦告蒙本路總管府差委霍州倅李承務縣尹劉承事董其役開淘依舊澆灌至大德九年秋

本路万僧都宣差祀香省會渠長史珪并本縣官將殿即便重蓋縣委主簿申公提調珪與南霍杜玉胡福渠長鳩工各量使水村分計置修造富有者施財貧薄者出力創起正殿木裝始經營之也時有寺僧聚提點亦嘗施工繼而劉思直塑像結厦郭景信造門成趣至延祐六年渠長高仲信募工殿內砌口造沙壁完脩南霍渠長王顯許亨同心津助及山之僧妙潛添力贊成其事煥然為之一新謗者杜其万口仲信切思之曰從草創討論修飾潤色者非出一手恐久而湮沒刊諸金石以壽其傳庶有激勵於將來府吏段士良屢注意於是一日率老而德者史珪郭景文郭翊高仲實石克明

翟天錫天^④宮提點趙思^⑤等踵門求記於予予辭之曰吾家本東魯泰山農業濫得尹是邑已及半任殊無異政膏澤加民於治軼兼無小補常有愧於同列始習譯字不解作文懇至於再聊採所見故書之仍系之以銘曰

惟中之鎮 其山曰霍 德澤所生 養物溥博 嶽麓

湧泉 浩浩其淵 興我國利 溉我民田 為漿愈疾

蘊秀含靈 歲時致祭 黍稷非馨 盡水之達 徃

古來今 地非愛寶 勝布兼金 相彼巨泉 非濁即

清 遠霑品類 大慰群生 興于明時 摧于地震

殿宇以空 不餘煨燼 前人草創 後繼潤色 一手

難成 眾皆竭力 大殿重簷 金翠光輝 美乎黻冕

繡裳衿衣 諺語大郎 王封明應 億萬斯年 永

居廣勝

延祐六年八月初六日

北霍渠長高仲信渠司翟天錫水巡孔興 南霍渠長許
亨王澤渠司王溫立石

廣勝寺尊宿勝提點住持春講主寶嚴寺尚座行開

登仕郎晉寧路洪洞縣主簿劉思孝

晉寧路洪洞縣尉賈邦傑 典史郭景行

晉寧路趙城縣尉許諒 典史田廣 司吏趙字王通馮

居孝

將仕郎晉寧路趙城縣主簿崔友聞

承事郎晉寧路趙城縣尹兼管本縣諸軍奧魯勸農事王

刺哈刺

從仕郎前晉_寧路趙城縣達魯花赤兼管本縣諸軍奧魯
勸農事麥力吉沙

本縣孔村下郭信男郭玟瑛刊

按碑題承事郎趙城縣尹

兼管本縣諸軍
奧魯勸農事

王刺哈喇撰并

書將仕郎趙城縣主簿崔友聞題額碑爲重修霍泉神明
應王殿而立趙城志水神廟一曰明應王廟一在縣東南
四十里霍山之麓廟前卽霍水所出以碑內有前水聲湏
湏文證之卽此廟其曰泉之北古建大刹名曰廣勝者霍
州志趙城縣廣勝寺寺二一在霍山上一在下唐大厯間
建下有霍泉上有飛虹塔爲阿育王藏舍利處相傳爲中
原第二塔與碑言佛之舍利在焉合其云世祖薛禪皇帝
者元史世祖紀至元三十一年五月戊午上尊諡曰聖德

神功文武皇帝廟號世祖國語尊稱曰薛禪皇帝其曰大德七年八月初六日夜地震河東本縣尤重元史五行志大德七年八月辛卯夕地震平陽太原尤甚平陽趙城縣范宣義郇保徙十餘里卽本縣尤重之證碑言地震渠堰陷壞當年十一月本路總管委霍州倅李承務縣尹劉承事開淘依舊澆灌大德九年秋渠長縣官將殿重蓋縣委主簿申公提調延祐六年殿成應府吏段士良等之請爲記碑末題延祐六年八月初六日立石有登仕郎洪洞縣主簿劉思孝洪洞縣尉賈邦傑典史郭景行趙城縣尉許諒典史田廣主簿崔友聞縣尹王刺哈刺從仕郎前趙城縣達魯花赤麥力吉沙以碑文家本東魯泰山考之王蓋泰安人

山右石刻叢編卷二十一